

Zenica, 29. 12. 2022. godine  
Broj: 1364/22

Na osnovu člana 6., 17. i 18. stav (1), člana 87. stav (2) i člana 88. Zakona o javnim nabavkama Bosne i Hercegovine („Službeni glasnik BiH“ broj: 39/14 i 59/22), Odluke o izmjeni Plana javnih nabavki za 2022. godinu broj: 1359/22 i člana 26. Pravila JU Bosansko narodno pozorište Zenica, a temeljem iskazane potrebe za Javnu ustanovu Bosansko narodno pozorište Zenica u 2022. godini, direktor donosi:

## **ODLUKU**

### **O POKRETANJU POSTUPKA JAVNE NABAVKE ROBA PUTEM KONKURENTSKOG ZAHTJEVA ZA DOSTAVU PONUDA**

#### **I - PREDMET JAVNE NABAVKE**

##### **Član 1.**

Javna ustanova Bosansko narodno pozorište Zenica kao Ugovorni organ, pokreće postupak javne nabavke **LED profilnih i pozorišnih reflektora**.

##### **Član 2.**

Predmet javne nabavke iz člana 1. ove Odluke predviđen je Odlukom Upravnog odbora o izmjeni i dopuni Plana javnih nabavki za 2022. godinu JU Bosansko narodno pozorište Zenica (broj: 1359/22).

#### **II- VRIJEDNOST JAVNE NABAVKE ROBA**

##### **Član 3.**

Ukupna procijenjena vrijednost javne nabavke iz člana 1. ove Odluke bez PDV-a iznosi =15.000,00 KM (slovima: petnaest hiljada konvertibilnih maraka).

##### **Član 4.**

Nabavka robe koja je predmet javne nabavke bit će finansirana u skladu sa odobrenim sredstvima prema Javnom konkursu Ministarstva civilnih poslova za dodjelu sredstava iz tekućeg granta „Sufinansiranje projekata kulture u Bosni i Hercegovini“ za 2022. godinu i Ugovorom o dodjeli sredstava broj: 1360/22.

#### **III - VRSTA POSTUPKA JAVNE NABAVKE I OBAVJEŠTENJE**

##### **Član 5.**

Javna nabavka roba iz člana 1. ove Odluke provest će se putem **konkurentskog zahtjeva za dostavu ponuda**. Postupak javne nabavke iz stava (1) ovog člana provest će se u skladu sa odredbama Zakona o javnim nabavkama BiH i podzakonskim aktima.  
Na portalu javnih nabavki obavezno se objavljuje obavještenje o nabavci, a sažetak istog bit će objavljen i u Službenom glasniku Bosne i Hercegovine.

#### **IV- KRITERIJ ZA IZBOR NAJPOVOLJNIJEG PONUĐAČA I ZAKLJUČIVANJE UGOVORA**

##### **Član 6.**

Dodjela ugovora za predmet javne nabavke zasniva se na kriteriju **najniže cijene**.

Za ovaj postupak predviđeno je provođenje e-aukcije.

Po okončanju postupka javne nabavke predviđeno je zaključivanje ugovora o nabavci.

## **V- KOMISIJA ZA PROVOĐENJE POSTUPKA JAVNE NABAVKE**

### **Član 7.**

Postupak javne nabavke roba po ovoj Odluci provest će Komisija koju posebnom odlukom imenuje direktor JU Bosansko narodno pozorište Zenica.

Formiranje komisije izvršit će se u skladu sa odredbama Pravilnika o uspostavljanju i radu komisije za nabavke („Službeni glasnik BiH“ broj: 103/14).

### **Član 8.**

Ova Odluka stupa na snagu danom donošenja i bit će objavljena na web stranici JU Bosansko narodno pozorište Zenica.

### **Obrazloženje**

Pravni osnov za donošenje ove Odluke sadržan je u članu 17. i 18. stav (1) Zakona o javnim nabavkama BiH (u daljem tekstu: Zakon), kojim je propisano da ugovorni organ pokreće postupak javne nabavke donošenjem odluke ili rješenja u pisanom obliku koje obavezno sadrži: zakonski osnov za provođenje postupka javne nabavke, predmet javne nabavke, procijenjenu vrijednost, podatke o izvoru finansiranja, te vrstu postupka javne nabavke, kao i u članu 88. stav (2) istog Zakona kojim je regulisano da je prilikom pripreme konkurentskog zahtjeva za dostavu ponuda ugovorni organ dužan donijeti odluku o pokretanju postupka. Članom 87. stav (2) Zakona, utvrđeno je da ugovorni organ provodi postupak konkurentskog zahtjeva za dostavu ponuda u slučaju kada je procijenjena vrijednost istovrsnih nabavki (roba i usluga) na godišnjem nivou manja od 50.000,00 KM.

U svrhu obnove opreme za scensku ravjetu JU Bosansko narodno pozorište Zenica kao ugovornog organ, utvrđena je potreba provedbe postupka javne nabavke iz člana 1. ove Odluke.

Pri donošenju ove odluke uzeto je u obzir da je predmetna javna nabavka uvrštena Odlukom o izmjeni i dopuni broj: 1359/22 u Plan javnih nabavki za 2022. godinu. Sredstava za nabavku roba koja je predmet ove Odluke osigurana su u skladu sa odobrenim sredstvima i uslovima iz Javnog konkursa za dodjelu sredstava iz tekućeg granta „Sufinansiranje projekata kulture u Bosni i Hercegovini“ za 2022. godinu, odnosno prema odredbama ugovora potpisanog sa Ministarstvom civilnih poslova.

Članom 13. Zakona određeno je da ugovorni organ i za provođenje konkurentskog zahtjeva za dostavljanje ponuda obavezno imenuje Komisiju za nabavke, čije uspostavljanje, poslove i obaveze regulišu odredbe Pravilnika o uspostavljanju i radu komisije za nabavke („Službeni glasnik BiH“ broj: 103/14).

Na osnovu navedenog odlučeno je kao u dispozitivu ove Odluke.



Javna ustanova  
**BOSANSKO NARODNO POZORIŠTE ZENICA**

**Miroljub Mijatović, direktor**

### **Dostaviti:**

1x Upravni odbor JU BNP Zenica

1x a/a JN

1x a/a